

*Sigle: B1523*

*Aufbewahrungsort: Königliche Bibliothek der Niederlande*

*Signatur: NK 119*

[AIr,01]¶ hyer beghint finte Ancel=  
mus passie.

[AIIr,01]Die heylige man finte ancelmus  
onfer lyeuer vrouwen vryent  
badt sijnder lieuer vriendinne  
der maghet marien / der moe=  
der gods ons lyefs heren *Jesu Christi* lange front  
met tranen end met groter bitterhede dat se  
hem openbaren woude end vertellen dye  
passie haers lyefs kints *Jesu Christi*. Ten lesten  
hoorde dye heilighe maghet sijn gebet end  
dede op haren foeten mont end feyde. alsoe  
groot is die passie end dye doot mijns liefs  
kijnts dat se nyemant vertellen en mach  
sonder arbeyt. end sonder wee van herten  
Mer ic bin nv so gheglorioest dat ic nem=  
mermeer weenen en mach noch arbeyden  
Daerom sal ic se v vertellen also si geseyt  
is. end sijn doghen mede. Doen vraghede  
Anselmus segghet my mijn alderlyeffte  
vryendinne mijn. hoe was dat beghinfel  
van der passien dijns lyefs fueten kints.

Maria antwoorde. doen mijn alderlyeffte

[AIIv,01]kijnt opftont end den auontmaeltijt was  
gedaen. doen front op iudas scharioth end  
ghinc tot ten princen der ioden end vercoft  
mijn lieue kint om. xxx. penninghen end ghe=  
loefden den ioden te leueren. End die quade  
iudas was alsoe ghierich doen hi die pennin(=  
ghen sach dat hi *Jesus* mijnen lieuen sone ouer(=  
gaf daeromme Nochtan hadt hem *Jesus* dicwil  
gefeit tevoren end hadden gewaerfcout daer(=)

af. ¶ Ancelmus sprac segt mi alderlieffte  
vrouwe end vriendinne waerdy doen met  
uwen kinde end met finen iongers. Maria  
antwoerde hem. doe mijn lief kint finen auont(=  
mael eten dede end die voeten dwoech fijn=  
re ionghers. end hi hem finen lichame gaf  
tot eenre spijfen. Ende fijn ghebenedijde  
bloet gaf tot eenen drancke. End hy hem sue=  
telijke predicte van fijnder godheit. end dat  
hi van hem foude fceiden. End dat hi weder(=  
comen foude. End dat hij se dan verblijden  
foude. end die blijscapen foude hem niemant  
[AIIIr,01]nemen. Doen al dit geschiede end doent al=  
gader was ghedaen end mijn lief kint ghe(=  
feyt hadde tot iudas. Dattu wille hebbes  
te doen dat doet vollijke. Doen ffont iudas  
vp end ghinc metternacht wt. Ende doen  
sprac Jesus. vader nv is die vre comen ver=  
clare nv dijn lyef kint. Vader ic sal tenacht  
worden gheuaen. end dye ioden fullen mi mor=  
ghen aen den cruce slaen. Ancelmus feyt fege  
my maria vryendinne werwert ginc doen  
Jesus dijn lieue kint end fijn ionghers. Ma(=  
ria antwoerde. Mijn lieue soen ghinc van  
den berghe van fyon end fijn iongers met  
hem by eenre poorten dye hyet natatorium  
fyloe. Daer was eenen hof daer hi in plach  
te gane flapen met finen iongheren. Doen  
hi daer quam nam hy drie fijnre iongers  
mit hem iohannes iacob end peter end sprac tot  
hem kinder end lieue iongers ic fegge u want  
ghi sijt mijn wtuercoren vrienden. Mijn  
fiel is bedruckt tot ter doot. Sidt hyer ne=  
[AIIIv,01]der ende ontbeydt tot dat ick wedercome  
end ick mijn ghebet ghedaen hebbe. Doen  
ghinck hi op ten berch van olyueten alfoe

verre van finen iongheren alf men werpen  
mochte met eenen fteene. *end* aenbede finen  
vader aldus hoort mij alderlieffte vader  
want goedertieren is dijn ontfermhertic=  
heyt. en keer dijn aenfchijn niet *van* dijnen  
lieuen kinde. verhoort mi ende gheeft my  
verftant mijnre fielen. ende quijt fce *van* ha(=  
ren vianden. ¶ Ancelmus vraghede waer(=  
om badt hi aldus. Maria antwoorde om  
driederhande fake wijlle. Deerste fake is.  
hi was met alderhande lieflicke cleynder  
fpifsen gheuoet alfo met ter borft der reyn(=  
der meghet marien. ¶ Die anderde fake  
is dat hem alfoe groten anxt in fijnre fyelen  
ftorte dat fijn fweet verwandelde in drup(=  
pen van bloede. *end* nederlopende *van* finem  
lichame want hi was god ende menfche.  
Want *van* fijnder godheden fo heeft hi dat  
[AIVr,01] hi weet alle dinck tevoren. Ende hierom  
wifte hy wel wat tormenten hi lijden fou=  
de. Die fpuwinghe ende dye fpekellinghe  
*end* dye doorboringhe der groter plomper  
naghelen. ende die croone van doerne. *end*  
die hertbrekinghe dat hem fijn ghebene=  
dijde herte brac ontwee. Ende fijn aderen  
fchoerden. *end* fijn fchone minnelike oghen  
braken. Dat dit aldus foude fijn dat wifte  
hi wel tevoren in fijnre godheit. daerom  
zweete hi bloet van groten anxte. ¶ Dye  
derde fake was dat hi wel wifte dat die io(=  
den fjns niet en fouden ontfermen. daer(=  
om badt hi anderweruen finen hemelfchen  
vader aldus. Vader oft moghelijck is foe  
doet van my wech den kelck der bitterder  
pijnen. Nochtans lieue vader heere niet mij=  
nen wille. mer den uwen moet gheschien

Doen openbaerde hem een enghel van den  
hemelſchen throone dye hem mijnnelijck  
troefte end feyde. Sijt gheftadich end ſterck  
[AIVv,01]hore mijn nv faltu des menſchen fielen ver(=  
loffen. ende dijn vaders ghebot veruollen  
met dijnre bitterder doot. Hiernae ftont  
op mijn lief kint end ghinc tot finen lieuen  
ionghers end vant ſe flapende end feide. Ay  
kindere end mijn lieuen iongers ghy feydt  
Ghi foudt gaen met mi tot in die doot. end  
ghy en cont met my een luttel nv in defer  
tijt van nv niet ghewaken. End hi feyde fla=  
pet end ruft. hi naket die mi leueren fal den  
ioden. Doen ghinck mijn lyef kint derde=  
werf weder te finen ghebeden end quam we=  
der end vant ſe flapende. end *Jesus* feide Stant  
op end fiet dieghene die mi fuecken ſi comen.  
Doen ſaghen ſi op alle dat iudas quam met  
groter ſcharen van volcke. End iudas ſprac  
tot ten ioden. twee ſijnder alfo ghelijc. deen  
is *Jesus* dander iacob van welcken ic v fal  
gheuen een merckelijc teeken. end denghenen  
die ic cuffen fal die eeft neemt hem Iudas  
ghinc vore end dye ſchare volghede hem na<e>  
[AVr,01]end iudas feide god gruet v meeſter. end ihe(=  
fus antwoerde goedertierlike. Ay vryent  
waertoe biftu comen. Daernae ſprac *Jesus*  
totten ſcharen wien foecty. End ſi antwoor=  
den *Jesum van nazarene*. Doen ſprac ons lye=  
ue heere. Ic bent. End doen hy dat ghefeyt  
hadde. Ic bent. Doen vielen ſi allen achter=  
wert ter aerden neder ouer haren rugghe  
Anderweruen feyde *Jesus* wien foecti. ſi fei=  
den *Jesum van nazarene*. end hi feyde noch. Ic  
bent. Of ghi my foect neemt mi ende laet  
mine lieue ionghers gaen. want ſi en ſijn

niet bereyt te fteruen met mi. doen *quam iu-*  
 des voort *end* cuften onfen heere aen finen  
 mont. doen *fprac Jesus. Ay iuda iuda* met  
 eenen cuffen verradi mi. *end* leuert des men=  
 fchen fone in dye handen der ioden. *end* die fel(=  
 le ioden ftaken haer handen aen hem. *end* bonden  
 hem fine handen. *end* verbonden hem fijn oghen  
 daer dye enghelen inne begeerden te fiene.  
 Doen dat peter fach trac hy wt fijn fwert  
 [AVv,01]*end* floech eenen knecht die malcus hiet fijn  
 rechter oor af. ¶ Ancelmus vraghede on=  
 fer lieuer vrouwen oft daer ooc gheschiede  
 eenich mirakel. Maria antwoorde Jaet.  
 mijn lieue fone nam dye ore des knechtes  
*end* fettet hem weder ane *end* feide tot peter  
 Stect weder v fweert in fijnder fceyden.  
 Allen die metten fweerden flaen. fullen met=  
 ten fweerde verflaghen worden En weetftu  
 nyet peter dat ic mochte bidden mijnen va=  
 der *end* dat hi my foude gheuen .xij. duyfent  
 fcharen der engelen. *end* doen ghinghen die  
 iongheren alle vlyen. ¶ Ancelmus vrage=  
 de fegt my maria roofe waerdy doen met  
 uwen lyeuen kinde. Maria antwoorde.  
 Neen ic. Ancelmus *fprac. Wat bediede dz*  
*want ghy hem fo feere mindet.* Maria ant=  
 woorde hem het en hadde nyet wel geftaen  
 datmen eender vrouwe inder nacht von=  
 de daerbuyten alleene met vele mannen  
 ¶ Ancelmus vraghede fegt milieue weer(=  
 [AVIr,01]*de vrouwe waer waerdi doen.* Maria ant=  
 woorde. Ic was in den huylfe mijnder lye=  
 uer fufter fint ians euangeliften moeder  
 ¶ Ancelmus vraghede in wat manieren  
 quaemt v dan te weetene *end* wie feydet v  
 dan. Maria antwoorde. hoort mijn lieue

vrient dat alte weenlijc is om horen. Dye iongheren mijns liefs kints quamen ghe= lopen al of fi hadden gheweest verwoedt end haer handen slaende. ende al weenende bitterlike. end riepen oetmoedelike. o alder(=) lieffte vrouwe v alderlieffte kint ons lieue meester *Jesus* is gheuanghen. end wi en weten nyet waer hy henen is gheleyt. fy leydenen henen al ghebonden. wy en weten niet of hi is ghedoot oft wat fi hem hebben ghedaen. Anselmus sprack. En weendighy doen niet mijn alderlyeffte vrouwe. Maria antwoerde. Iae ic herde feere wel fueete vrient. Ick en cans v vertellen niet. Nochtan weet ic herde wel dat hi daerom van [AVIv,01]finen vader was ghesent. Omdat hi met fijnder doot verlossen foude des menschen fielen wter noot. Maria sprac om die moederlike minne dye ic hadde tot mijnem sone *Jesu*. so ghinc dat sweert des rouwen door mijn siele. ¶ Anselmus vragede segt mi weerde maghet maria wtuercoren vrien(=) dinne werwert was hi doen gheleyt. Maria antwoerde te Iherusalem yeghen den tempel was hi gheleit in annas huys die cayphas zwagher was End annas vragede hem van finen iongers end van fijnre leeren. end *Jesus* mijn foete kint antwoorde herde fue= telike. ick hebbe altoes openbaer ghespro= ken. End in der synagoghen gheleert daer alle die ioden vergadert waren. end in hey= melike steden en heb ic niet gheleert Wat vraechdijs my. vraghes denghenen dyet van mi ghehoort hebben. Doen ffont op een van den dienstknechten end gaf hem eenen kinnebackflach aen fijn gebenedide wa<n>(=)

[AVIIr,01]ghen *end* feyde. hoe antwoorttu fo onfen here den biffchop. *End* mijn lieue kint ant(=) woorde *hem* herde goedertierlike. of ic qualick ghesproken hebbe foe gheeft ghetughe van *dem* quade. Mer heb ic wel ghesproken waerom slaetstu mi dan. Doen bonden se *hem* fijn handen. *end* verbonden *hem* fijn oghen oft hadde gheweest een dief. dat noyt man en gheschuede hy en hadde veroerdeelt gheweest. *End* bespotten *hem* al den nacht. *End* bespuden *hem* in fijn lieflijc aenschijn met haren vuylen speekelen. *End* vrageden *hem* Segt *end* propheteert *ons* *Christe* wie floech dy Iohannes ghinc in dat huys want hi was wel bekend met *ten* biffcop. *End* leyden peter met *hem* in dat huys. *end* den welcken peter die wachterfche ter dooren sach sprac tot *hem* Du bist een van den iongheren des menschen die hier gheuaen is. *End* peeter lockendes drieweruen met ghesworenen eede dat hijs niet en kende noch noyt gesien en hadde.

[AVIIv,01]*End* altehans fo fanck die hane. Ende onse heere sach omme *end* sach peter ane. Recht oft hi seggen woude. Du seyds wie mi begaue du en foudts mi niet begheuen Peter peeter dat ick v feyde dat hebby nv waer vonden. O Petre ic ben alleen in die perffe bleuen. *end* alle mannen hebben mi begheuen *End* peter ghinck wt *end* floech fijn handen ende weenden bitterlijcke omdat hi sijns meesters gheloochent hadde foe haetelijc(=) ken. ¶ Ancelmus vraghede. waer waerdy doen mijn alderlieffte vriendinne maria doen hy dit feyde. Maria dye fuete *end* wel rykende roofse antwoorde te hans alsoe dy iongheren mijns lyefs kints lijden

vertrocken dat daer was gheschiet. Doen  
beueden alle mijn leden. ende door mijne  
fiele ghinck een sweert. Doen stont ick op  
end ghinck met maria magdalena ieghen  
den tempel in annas huys. end ick woude  
ingaen maer die quade ioden en lieten my  
[AVIIIr,01]niet in. Doen moest ic daerbuyten bliuen  
ftaende weenende bitterlijcken. ende riep  
met eender luyder stemmen. Ay mijn alder(=)  
lieffte kint. Wie sal mijnen oghen gheuen  
lycht. Mijnen hoofde water. Ay my alre(=)  
droeffte moeder. wie sal mijnen oghen ghe=  
uen fonteyne der tranen. op dat ic mach be=  
weenen dye doot mijns liefs kints. Maria  
magdalena lyp alomme als een verdoelt  
wif. end ghinc ten venfteren ende hoorde  
loochenen peter. ende haer fiele wert ver=  
uaert van binnen. omdat die prince alder  
apostelen so vollike loochede finen meester  
end feyde. O *Jesu* wat sal dy te deele vallen.  
oft wat fals werden van dy. Wel hertelijke  
lieue vrient. alfoe die prince der apostelen  
dijns loochent dat hi dy niet en kent. o *Jesu*  
ic en sal di nemmermeer loochenen noch af=  
gaen. end daer stont ooc maria sijn bedructe  
moeder buten vol van wee. end vol van rouwe  
end hoorde die bespottighe end die nijdighe  
[AVIIIv,01]verfmade woorden die hi leet. end doen pe=  
ter quam daerbuyten end hi sijns meesters  
ghelogen hadde. vant hi ons daerbuten  
ftaende my end maria magdalena. ende ic  
riep bitterlike. peeter peeter. hoe eeft met  
dijnen meester / met mijnen lieuen kinde.  
Ay peeter du hebbes mijn lieue kint beghe=  
uen. end het is alleene in die perffe bleuen.  
end peeter antwoorde met eender weende=



liker ftemmen. Ay my alderlieffte vrouwe.  
dijn fuede kint wert ghepijnt fonder ont=  
fermherticheyt *end* geoerdeelt tot ter doot  
doen ghinc hi in een ftede gheheten galli=  
cantus *end* berch *hem*. ende en openbaerde  
*hem* niet voerdat *Christus* doot was aen *dem* cruce

¶ Ancelmus vraghede fegt mi roofe fon=  
der dooren. waerdi oock daer die vader in  
ftorte den fchat der wijfheyt. weendes du  
doen ooc yet. Maria antwoorde dat fwert  
des rouwen ghinc my door mijn herte alfo

een vyer gaet door dat yfer. ¶ Ancelmus  
[BIr,01]vraghede fegt my weerde vrouwe wat de(=  
den fi doen met dijnem lieuen kijnde. Maria

antwoorde vroech inder morgenfont lei=  
den fi mijn lieue kint *van* Annas huylfe *end*  
leydent tot cayphas huylfe des byfchops  
van diesmael dat hi gheuanghen werdt  
totter noenen en fach ic *hem* nyet Ay ancel=  
mus laet dat di ontfermen *end* alle diet horen  
lifen. Doen ic *hem* fach lyep ic tot *hem* als een  
leuwinne *end* fchoerden mijn clederen dat  
ic fach dat fijn lieflick aenschijn mefmaect  
was *end* bispoghen metten vuylften fpekkel  
der ioden daer die enghelen in plaghen te  
fiene. ende metten flijcke beworpen doen  
Doen werde ic bitterlijke fcreyende. ende  
feyde mijn alderlyeffte kint hoe lelijck *end*  
hoe eyffelic fie ick di nv mefmaect. die ic fo  
dicke hebbe ghesien in dijn fcoon aenschijn  
*end* ic wouden helpen ende cuffen. mer fi en  
lieten mi niet tot *hem* comen. want ic waert  
gheftoten herwaert *end* derwaert vanden

[BIv,01]ioden twolc lyep derwaert vanden ioden  
ofmen eenen dyef foude hebben verdaen

¶ Ancelmus feyde. fegt my fterre der zee

weerde maria vriendinne en hadftu ghe=  
nen hoepe dat hi daer ghequijt foude fijn

Maria antwoerde iae ick want ick wifte  
wel dat hi wijs was van finnen *end* wijflijc  
conde fpreken dat hi hem met talen foude  
ghequijt hebben / neen hi niet. hi ftont als  
een fachtmoedich lam. Ten anderen ma=  
le was hi fo aenminnich *end* fo lieflijc aen te  
fien dat ic hoepte dat fi fijns ontfermt fou(=  
den hebben. mer neen fi niet. Ay lieue vrient  
Ancelme daernae niet lanc dat fijn lieflijc  
aenschijn noch meer befoghen wert dat  
fach ic. *End* hi was aen te fiene of hi een la=  
zarus hadde gheweest *end* doen quamen ve(=  
le valfche ghetughen op hem. Ten eerften.  
dat hi waer een deftrueerder der wet ende  
een verleyder des volcs Ten leften quamen  
twee valfche ghetuyghen ouer hem ende  
[BIIr,01]feyden. defe menfche heeft gheseyt dat hy  
den tempel heeft macht tebreken *end* bin=  
nen drie daghen weder te maken *End* dat  
hi gheseyt hadde dat hi criftus waer. Doe  
vraechde cayphas biftu Criftus *End* *Jesus*  
feyde al feide ict v ghi en gheloues mi niet  
laeten gaen voorwaer fegghe ick dy ghy  
fult noch fyen des menfchen fone fitten ter  
rechterhant godes. ende wedercomen in  
dye wolcken des hemels te oordelen ouer  
leuende *end* dode. Doen dat cayphas hoor=  
de fchoorde hi fijn cleeder ende feyde. wat  
wildi orconden / en hoordi nyet wat hi feyt  
*end* wat lachter dat hi gode doet wat dunct  
v nv Doen riepen fi allen met luder ftem(=  
men cruyften hi is die doot wel weert. Lie(=  
ue Ancelme defe fentencie ghinc my door  
mijn siele ¶ Ancelmus vraechde. feyt my

werwert ghangen fy doen met dijnem lieuen kinde Maria antwoorde. tot den rechter pylato leiden fi hem want mijn alderlieffte [BIIv,01]kint moſte alomme loopen. ¶ Ancelmus vraechde hoepftu oec doen yet mijn alder(=) lieffte vriendinne. Maria antwoorde. iae ick herde feer als die ſchare der ioden ghecomen waren dien hy dicke predicte ende voede inder woeltijnen end vele goets dat hy hem dicke dede. hyerom hoepde ick dat fi hem ghequijt fouden hebben vander doot maer neen fi niet. Alle dat goet dat hi hem ghedaen hadde hadden fy vergheten. ende fi riefen alle ghemeyn met eender luider ſtemmen. cruyften cruyften. end feiden hem ane dat hi ghefeyt hadde datmen den key(=)fer gheen tſijs gheuen en foude. Doen vraeghede hem pylatus van finen rijcke. Du byft coninck der ioden. Doen antwoorde *Jesus* ſegftu dat van di ſeluen. oft hebbent di ander lieden ghefeit van mi. Doen antwoorde pylatus en bin ic niet een rechter end en weetftu niet dat ghi mi geleuert biſt vandem byſcopen der ioden. Doen antwoorde [BIIIr,01]*Jesus*. mijn rijcke en is van defer werelt niet waer mijn rijcke van defer werelt mijne dienſtknechten fouden mi helpen dat ick niet en worde ghebracht tot defen ſcadeliker doot des cruycen. Doen antwoorde pylatus. fo biſtu dan een coninc. Doen antwoorde *Jesus*. ghi ſegg het. want ick bin in die werelt comen ende daertoe bin ic in die werelt gheboren. dat ic ghetughe der waer(=)heit gheuen foude. End daertoe bin ic in die werelt comen end geboren dat ic ghetuge der waerheyt gaue alle die van der waerheyt

fijn. die horen mijn stemme. Doen vraechde pi(=)  
latus wat is die waerheit. met dien ghinc  
hi wt end schiet van *Jesus* end ghinc ter buyten  
tot ten ioden. end pylatus en was niet bericht  
fijnder vraghen. Doe iudas sach dat aldus  
met dien onnofelen *Jesum* ghinc. doen quam  
hi ghelopen end feyde ic hebbe mefdaen. ic  
heb een onnofel bloet vercoft. End doen nam  
hi dye. xxx. penninghen end worp fe weder  
[BIIIv,01]den ioden in dem tempel. end ghinc wringhen  
fijn handen end verhinck hem feluen Doen  
ryep pylatus al den raet der priesteren end  
dye meesterfchap des volcs ende feide. ic en  
vinde gheen faecke der doot in defen men(=  
fche. dien ghi nu hebt ghebrocht end die io=  
den met fijnder leeringhen end begont int  
lant van galilea end is comen tot hier Doen  
pylatus vernam dat hi was een galileus  
man doen feynden hi hem tot herodes dem conic  
want fi waren ongheurienden te dien tijden  
Doen herodes hem sach was hy feer verblijt  
want hi hadde vele wonders van hem gehoord  
end hoepte tekenen van hem te fiene. End hero=  
des vraechde ten eerften ofte hi dieghene  
waer die fijn vader doden woude end daer(=  
om dat hi dye kinder dede doden. Ten an=  
deren male ofte hi dieghene waer die den  
blinde maecte fiende end dye cropelen gaen=  
de die douen horende die dode verwecte van  
der doot ende vele ander tekenen End hero(=  
[BIVr,01]des beloefden hem end badt hem woude hi een  
teeke doen voer hem hi fouden verlossen van  
den ioden End *Jesus* en antwoorde hem doen  
nyet Doen dit herodes sach ghinc hi ende  
nam een crone end fette fe op fijn hoofd. ende  
gheloofde hem dat hy hem rijck maken foude

waert dat faeke dat hy enich teeken voor  
hem doen woude. end *Jesus* en wouts niet doen.  
Doen stonden die priesteren end die princen  
voor Herodes end wroechden *Jesus* mijnen  
weerden sone herde seere ¶ Ancelmus sprac  
segt mi maria weerde roose ghi hebbet so  
menighen fueten name ic en weet di hoe noe(=  
men. Hoopstu hyer yet van dijner kinde  
Maria antwoorde. Iae ick herde fere. ick  
wift herde wel dat herodes coninc van ghe(=  
boorten was van natueren Ende hoopte  
dat hi den ouerften coninc mijnen sone fou=  
de ghespaert hebben. Neen hi niet hy ver=  
smaed en end dede hem een wit cleet aneghe=  
lijc eenen sodt End scoerdent hem beneden  
[BIVv,01]finen voeten end traden daerop Also dat hi ter  
aerden vallen moeste end fandt hem weder tot  
pylatus End herodes end pilatus worden van  
dien daghe voort groote geurienden End pi(=  
latus wift wel die felheyt dye si hadden om  
die doot van mijnen kinde End seynde die io(=  
den teghen hem dat si hem niet en souden doden  
doen mijn lieue sone wedercomen was Doen  
riep pilatus te terciën al den raet der io=  
den end seide Ghy hebt my desen mensche  
bracht als eenen verleyder des volcs end ick  
en vijnde gheen sake der doot in hem Noch  
ooc herodes want ic hadden tot hem gheson=  
den End daer en is hem gheen schuldighe  
doot anegheleyt Ick fallen castijen end la=  
tenen gaen Doen ryepen se alle dat men hem  
cruycen soude Ende wy willen barrabas  
hebben End pilatus seyde anderwerf wat  
heeft hi quaets ghedaen Ic en vinde in hem  
gheen sake der doot Ick fallen gheeffelen  
end laten gaen Doen stonden die ioden

[CIr,01]op end riepen met luder ftemmen. cruyften  
cruyften. Doen lyep pilatus wijf ter vier(=  
fcharen end feide. en onderveynt v niet van  
defen gherechtighen menfche Ick ben vele  
ghepijnt om finent wille. Doen verfielde  
pylatus eenen raet opdat die wreetheit der  
ioden ghenoech mochte doen. end nam *Jesu*  
en gaffen den knechten End dye knechten  
ghinghen *Jesu* ontleeden dat onnofel lam.  
End bondenen aen een calomme die was foe  
groot. dat die een hant die ander niet ghe=  
naken en confte in twee fpannen nae Doen  
namen fie een ftercke fcherpe corde end bon=  
den hem beyde fijn handen aen die calomme.  
End floeghen den lieuen fone mijn mit gheeffe(=  
len al ontwee dat hem dz bloet tallen fteden af(=  
liep. End dat in hem gheen ghefontheit en  
was want hi was aldoorwont. ¶ Ancel=  
mus vragede. fegt mi morgenfterre root  
der fonnen ghelijc. die mane onder dem voet  
met xij. fterren gecroont weerde vriendine  
[CIv,01]hoopftu doen yet. Maria antwoorde <fan>(=)

<te> Ancelme lieue vrient herde feere om de=  
fer faeken wille die ic u openbaren fal. dat  
was om die ouerfcoonheit fijnder fchoon(=  
der leden. End om wel voeghens fijns pro=  
pers lichames. Daerom hoopt ic als fi hem ont=  
cleet hadden end finen fchonen lychaem gefien  
hadden. dat fi dan der fcoonheit ontfermen  
fouden. Mer wach Ancelmus lieue vrient  
daernae niet langher en fach ick dye lenc=  
te ende die breyde fijns lichaems Alfoe o=  
uerftort end befmet vanden bloede. recht of  
hy purpur hadde aengedaen End om dye  
oueruloecende vloet fijns gebenedijt bloets  
fijns lichames. End om die eifelicheit fijnder

ghebenedider leden. Dye metten gheeffelen  
al ontwee gheflagen waren. was hy als een  
lazars. daermen ghene menscheit ane en fiet  
hiernaen namen die ridders een doornecro=  
ne end fettense op sijn hooft. End cleedenen met  
eenen purpuren mantel. end gauem hem een riet  
[CIIr,01] <I>n sijn hant end seiden tot hem God gruet v co(=  
ninc der ioden End floeghenen aen sijn ghe=  
benedide wanghen end in sijnen hals. so dat  
die lyeue *Christus* ter aerden nict ende vallen  
moste Dese crone namense end dructense  
hem in sijn ghebenedide hooft also dat dat  
bloet vloeynde neder liep al ouer sijn lief=  
lic aenschijn. vanden. lxxij. wonden die dye  
dornecrone maeckte in sijn ghebenedijde  
hooft Ende aldus gheciert seide pilatus mijn  
lieue kint daerbuten. End seyde fiet uwen  
conic. oft hi segghen woude. Syet hier den  
liefliken man die ghi mi leuerdet also schone  
Syet hoe ontfermhertelike end hoe eyseli=  
ke is hy belopen metten bloede Ende door=  
gaen met allen rouwe. quade felle honden  
hi ftaet hyervoor als een onnofel lam <e>n  
fals v niet ontfermen ¶ Ay alderlieffte kin(=  
der doet wech die houerdie end die wijf<h>eit  
defer werelt end laet v ontfermen defer bitter  
pijnen end groter scanden Die *Christus* dz eewige  
[CIIv,01]woort daer moeste ontfaen voor ons allen.  
want die felle honden riepen doeten wech.  
Cruyften. Doen seyde pylatus neemten  
end cruyften. End si antwoorden wy hebben  
een wet end nae onse wet fal hi steruen want  
hi feyt dat hi dye sone gods is. Doen pyla=  
tus dese redene hoorde ontfach hi hem meer  
end ghinck in die dinghebanck end sprac tot  
*Jesus*. end vraghede hem van waer bystu. mer

*Jesus* en antwoorde hem niet. Doen feide pi=  
latus. du en antwoorts mi niet. ende weet  
ghi niet dat ic macht hebbe di te laten gaen  
Doen antwoorde *Jesus*. du en hads gheen  
macht aen mi ten waer di verleent van bo(=  
uen. daerom heeft hi meerder fonde die my  
v gheleuert heeft / ende van dier vren voort  
fichte pilatus eenen raet hoe hy hen mochte  
laten gaen. End doen riepen die ioden laet(=  
ftu defen man gaen fo en fidy des keyfers  
vrient. niet. Doen pilatus fach dat niet en  
holp nam hi een vat met water daer hi in  
[CIIIr,01]dwoech fijn *handen* end feide. ic bin onfchul(=  
dych des gherechs bloets ghy fieg het wel  
End doen riep dat ghemein volc. fijn bloet  
fi op ons end op ons kinderen. Doen riepen  
die ioden met eender ftemmen dat fi barra=  
bas hebben wouden. end dat men *Jesu* crucen  
foude. Mer omdat gheroep dat die ioden  
maecten om fijnen doot. en conft pylatus  
niet langher horen. end bracht voort die fen=  
tencie der fchandeliker doot. End ryep met  
eender luder ftemmen voor dye ioden. *Jesum*  
van nazarenem verdoeme ic van liue ter doot  
der fchandeliker doot des crucen. Ay ihesu  
lieue vader fo langhe hebby ommegegaen  
dat ghi dye fentencie der doot hebt ontfaen  
¶ Ancelmus fprac fegt mi maria fchoone  
vrouwe. doen ghy dit hoordet en waerdy  
doen niet vol van rouwen Maria antwoor=  
de dye fentencie der doot ghinc mi door mijn  
herte doen pylatus riep. ¶ Ancelmus vra=  
ghede. wat deden fi nv met *Jesum* dijnen kin=  
[CIIIv,01]de. end met mijnem lyeuen heere te middaghe  
Maria antwoorde hier namen fi mijnen  
lyeuen fone alfo iohannes fcrijft end ghinghen



end leyden hem daer fy hem crucen fouden end  
dwonghen hem daertoe dat hy lopen moeste.  
also dat telken voetstapen sijn bloet ter aer(=  
den ftorteden. End fy ftietenen herwert end  
derwaert so dat hi vallen moeste. end si wor=  
pen hem met slijcke. end dat cruyce was also  
groot dattet was. xv. voeten lanc. End mijn  
lyeue kint wert alsoe cranc van dyen lopen  
in der nacht. end van dien groten slaghen dye  
hy ontfaen hadde aen der calomnen. end ooc  
heeft hi. xxxiiij. iaer gheweest in pijnen end  
in arbeide. sodat hi nederviel end en conste  
dat cruce niet ghedragen. hoort hier groot  
wonder dye hemelrijc end aertrijc onthout  
Die was so cranc na der menscheit dat hy  
dat cruce niet en conste ghedraghen. Doen  
namen si eenen man die fymeon hiet. die int  
ghemoete hem teghen quam in dem weghe. Doen  
[CIVr,01]dwonghen se hem dat hi dat cruce nae Jesum  
mo<ft>e draghen. nyet dat se met hem doeghe(=  
den. Mer om sine crancheit dat hijs niet  
ghedraghen en conste. ¶ Sinte Ancelmus  
vragede. Segt mi suete weerdighe vrou=  
we volghede hem oec yemant doe men wt=  
werdt leyde. Ia et lieue vrient Ancelme al(=  
le dat volck lyp so feere ouerhoop of men  
eenen dief soude hebben gaen hanghen. End  
lucas scrijft dat hem vrouwen volchden die  
ryepen op hem end weenden bitterlike. doen  
keerde hem mijn lieue kint omme tot ten wij=  
uen end seide ghi dochteren van iherusalem  
en weent niet op my. maer op v seluen end  
op v kinderen. die mi met slijcke ende met  
fteenderen worpen. si en weten niet wat si  
doen. want dye daghen fullen comen. in  
welcken si fullen segghen. salich sijn die

ondrchtighe ende dye lichamen die noyt  
endrogen. ende die borften die noyt en fo(=)  
ghen. *end* dan fullen se segghen tot ten berghen  
[CIVv,01]valt op ons. *end* ghi hemelen bedect ons. oft  
fi dit doen in eenen gronen houte wat ful=  
len fi doen in den dorren. dat is in mijn sancten.  
*End* doen se hem wechleyden. doen leyden se  
twee quade menschen met hem. omdat sine  
schande te meerder wesen soude. Doe men  
mijn lyef kint yerft wterstadt leyden soude  
had ic hem gherne ghesproken. mer ic en  
confte om dye menichte van dem volcke. *end*  
omdat lopen ende dat springhen dat fi her=  
wert *end* ghijnswaert spronghen. en mocht  
ic tot hem niet comen. Mer ten lesten als  
maria magdalena werdt verloft van den  
volcke. *end* wy tegader quamen in een straet  
doen liepen wie aen een fonteyne als twee  
verwoede wiuen. opdat wi hem ghemoe(=)  
ten mochten. *End* als wi quamen teghen die  
fonteyne ontmoeten wi *Christum* mijnen lieuen  
sone. Doen saghen wi onghelijc eenen men=  
sche *end* waren vol van rouwe. Doen neech  
hy sijn hoofd tot mi ende sprac. O moeder  
[CVr,01]moeder recht of hi segghen woude. Wtuer=  
coren moeder. ic dancke *end* loue v om dye  
menichfuldighe doechden dye mi van dy  
gheuallen sijn. *End* om die grote armoede  
*end* arbeyt die du om mijnen wille hebt ghe(=)  
draghen in dat ouerfte armoede dye noyt  
creatuere en leet om minen wille. *End* nu  
in deser groter schanden die ic ontfae om  
alle menschen. nochtansen verdryet v my  
niet te volgene. Doen quamen se daer sijn  
cruken souden. *end* twee morders met hem.  
eenen ter rechter hant. den anderen ter flinc(=)

ker hant. ¶ Ancelmus vragede. segt my  
maria weerde coninghine *end* fuete vrien=  
dinne. wat deden si doen hiernaer met dinem  
lieuen kinde. Maria antwoorde doen. si  
quamen ter onmenschelijker ftadt ten ber(=  
ghe van caluarien daermen dyeuen plach(=  
te hanghen wnd die honden *end* alderhande  
beesten te villen. Daer namen sy mijnen  
lieuen fone. *end* deden hem wt fijn cleederen  
[CVv,01]wit. Doen ic dat sach doen was ic wt mijnen  
finne Nochtans greep ic den doec van mijnem  
hoofde *end* werpen hem om sine lenden. Hier(=  
naer namen si dat cruce *end* floeghen hem daer(=  
ane. ¶ Ancelmus vragede. Segt mi maria  
foete roose mijn weerde vriendinne. wat  
deden si doen met hem. Maria antwoor=  
de Ancelme lieue vrient Dat ghi fult horen  
dats alte ontfermelic. mer gheen euange=  
lifen en hebbent gescreuen. Die gaten des  
cruce en waren te poente niet ghemaect  
na die armen mijns liefs kints. Doen na=  
menfe stercke coorden *end* recten dye armen  
wte naer den cruce met plompen nagelen  
die waren also groot *end* dicke dat fijn bloet  
nyet wt en confte ghelopen vanden hande  
*end* voeten also dat die wonden woorden ver=  
uollet metten naghelen alsoe datmen alle  
sine heylighe leden in synen ghebenedide  
lychaem tellen mochte. Doen waert oock  
veruollet dye prophecie Dauids dye dae<r>  
[CVIr,01]spreeckt in den fouter. hore dochter ende  
fiet. recht of hi segghen woude. hoort lyeue  
waerdighe moeder dye heefcheyt dijns  
kints ende syet hoe mijn handen *end* mijn  
voeten sijn doorboort met plompen naghe(=  
len Ick hebbe mijn handen wtgherect *end*

mijn voeten ghegheuen door te flaen om  
dat ic bewijfen woude dye minne. Syet  
doet dat ghy wilt met mi. ic ben bereet op(=  
dat ic die menfchen teghen mijnen vader  
verfoenen mach. *End* niemant en ontfermt  
mijns. dan ghy wtuercoren moeder. lieue  
moeder hoort *end* fiet *end* latet die ontfermen.  
Doen ick dit hoorde ende fack dat fweert  
des rouwen fyneones doorghinc mijne  
fiele. ¶ Te noen tijt.

Hiernae namen fi hem *end* rehtenen op  
met ten cruce. met groten arbeyde *end* hin=  
ghenen alfo hoghe dat ic fijn voeten nyet  
gereyken en *confte*. hoort lieue vrient Ancel=  
mus dat alreweelicfte is Doen hi met *tem*  
[CVIv,01]cruce was opghehanghen. *doen* viel hi met  
ten cruce weder ter aerden. Doen namen  
fi dat cruce *end* lietent met groter onweer=  
de in dye aerde vallen. Doen worden alle  
fijn wonden ghefchoert. *end* van nieuwes  
opghedaen die hy daer in der calomne *end*  
aen dem cruce hadde ontfaen. *End* *doen* ghinc  
dat bloet *van* finen handen *end* voeten ierft  
wtrinnen *end* vloien. *End* ic hadde ane een  
derhande cleet ghelijc dat vrouwen dye *van*  
conincx gheflachte waren plaghen te dra=  
ghen. *End* dat cleet was altemale befprayt  
*end* belopen *van* finem bloede. want fijn bloet  
op mi drupte *doen* ic onder dat cruce font.  
¶ Ancelmus fprac. fegt my weerde vrou=  
we fuete vriendinne. wat deden fi hierna  
met hem. Maria antwoorde. *doen* fe ghe=  
cruyft hadden mijn lieue kint. *doen* deylden  
fi fijn cleeder. *end* op ten onghenayden rock  
werpen fi een lot. *End* pylatus fcreef bouen  
fijn hoofd *Jesus nazarene* conic der ioden

[CVIIr,01]ende die ioden riepen en scrijft niet coninc

der ioden *Doen* antwoorde pylatus *end fey(=)*

de dat ic ghescreuen heb blijft ghescreuen

¶ Anclmus sprack segt my maria lyeue  
vryendynne wat deden se doen met hem.

Maria antwoorde noch en lieten sijs nyet

met ghemake *end* wageden haer hoofden

op hem daer hy hinc ghenaghelt aen den

cruce *end* ryepen. Dach du destrueers den

tempel *end* binnen drien daghen wildien we=

der opmaken. nu verlost v seluen oft die

gods sone bift. Desghelijc riepen ooc dye

princen der ioden met ten scrijben *end* met

ten ouders des volcs *end* seyden. An der lie=

den so heeft hi ghenefen. *end hem* seluen en can

hy niet ghehelpen. Offtu bift van ifrahel

ganc van *dem* cruce. *end* wi fullen aen v ghe=

loouen. Ghelooft in gode hy sal v quijten

want ghi segt du bift die gods sone. ¶ Ancl(=)

mus vraechde. wat antwoorde daertoe v

lieue kint. Maria sprac. Anclme hi seyde

[CVIIv,01]vader vergheuet *hem*. want si en weten niet

wat si doen. dat volc bespotten *hem* daer hy

so iamerlike hinc dat hi wel segghen mocht

mercket alle dye hier lijden bi *dem* weghe. *end*

fiet eenighen rouwe ghelijc den mijnen. *end* hi

mochte wel segghen tot sijn lyeue moeder.

Syet lieue moeder die dieren hebben haer

holen. *end* die voghelen haer nesten daer si

in rusten *end* dijn kint en heeft niet daer hi

sijn hoofd aenneygen mochte. fiet die scande

dye ic ontfae voor alle menschen *end* ghelooft

dat ic dy maget ter werelt brochte. *end* ghy

mi ontvinghes van *dem* heylighen gheeft. *end*

dat ic verenicht bin met ten vader van he=

melrijcke. *doen* ginc dat sweert des rouwen

door mijn herte. Doen dit hoorde dye dief  
die ter sliicker hant hinc. doen bescaemde  
hi *Jesum end* feide. Oft du bist *Christus* behout dy  
feluen *end* ons mede. Doen antwoorde die  
dyef dye ter rechter hant hinc *end* versprac  
finen ghefelle *end* feyde. ghi en ontstiet gode  
[CVIIIr,01]niet die hier hanghet op dat eynde sijns le(=  
uens. Wy hebben gherecht loon nae ons  
leuen. ende defe goede man heeft niet mis=  
daen. Doen sprac hi tot onsen heere *end* fei=  
de. heere ghedenckt mijns als du comt in  
dijn rijcke. Ende ihesus antwoerde. Voor(=  
waer seg ic di. du sult voor den auont met  
mi sijn int paradijs. ¶ Ancelmus vraech=  
de. segt my waerde maria hoe stont doen  
met dy. Maria antwoorde. ick stont doen  
onder den cruce vol van rouwe ende wee  
*end* met my stonden mijn twee susteren *end*  
maria magdalena. ende doen hi mi sach  
ende stont Ian finen ionghere dien hy be=  
minde. Doen feide hi wijf stiet hyer dijnen  
stont. Och Ancelme lyeue vrient. wat ont=  
fermeliker sentencie was dat. dat ic moefte  
aensien eens visschers stont voor den here  
van dem throne. *End* *Jesum* feide. Ian stiet hier  
dijn moeder. ick moet steruen. Nu hebt in  
hoeden mijnder lieuer moeder. Daer wert  
[CVIIIv,01]groote donckerheyt op alle aertrijcke tot  
der noenen toe *end* hyerna ryep *Jesum* met  
eender luder stemmen hely hely lamazaba=  
tani. hoc est deus meus deus meus ut quid  
dereliquisti me. Dat is mijn god mijn god.  
waerom hebdi my ghelaten. Doen seyden  
sommige van den ioden. defe roept helyas.  
laet sien sal helyas comen *end* verlossen hem  
Daer ryep hi met eender luder stemmen

my dorft. Doen namen fi galle ende edick  
ghemenckt *end* bondent op een ryet *end* bo=  
dent hem te drincken Doen hi den dranck  
ghesmaect hadde. doen sprack hy het is al  
veruult Ende hierna riep hi met eender  
luder stemen Vader in dinen handen be=  
ueel ic mijnen gheeft *end* liet sijn ghebene=  
dide hoofd neyghen op sijn borste ende gaf  
sijnen gheeft. Doen schoerde dat cleet des  
tempels in twee stucken *end* die aerde beef(=  
de *end* dye steenen schoerden. *end* dye sonne  
liet haer schijnen *end* die doden opstonden  
[DIr,01]*end* nae sijn verrisenisse quamen fi in die hey(=  
lighe stadt van iherusalem *end* openbaerde  
hem vele lieden. Mer daer was een man  
die hiet Centurio *end* ander lieden die *Jesum*  
hoeden *end* Centurio ghebenedijde god *end*  
die vrouwen die hem gheuolcht waren van  
galileen stonden van verre *end* saghen dit *end*  
weenden bitterlic. ¶ Ancelmus vraechde  
sagt mi maria en hadde dijnen rouwe noch  
gheen eynde Maria antwoorde neen hy  
niet Ancelme want dye achterste prophecie  
en was noch niet veruult daer hi spreect.  
Door dijn fyele sal gaen dat sweert dat al=  
te weenliken is Ancelme lieue vrient. het  
was eenen goeden saterdach den ioden.  
sodatter nyemant en mochte bliuen han=  
ghende op dyen dach. Doen ghinghense.  
*end* braken den schekers dye beenen *end* de=  
dense vander galghen. Maer doense qua(=  
men tot mijnen sone *Jesus* *end* fi saghen dat  
hi doot was. so en brakense sijn beenen niet  
[DIv,01]Mer daer quam een ridder die blint was  
*end* badt datmen hem gheuen soude een spere  
*end* datment setten woude op die borst mijns

liefs kints opdat hi dat hert te badt ghera(=  
ken foude. Doen nam hy dat speere ende  
fack dat herte ontwee te myddewert dat=  
ter bloet end water wtghelopen quam nef(=  
fens dat speer neder End die ridder naems  
ware. end beftreeck fijn oghen daermede.  
ende hi werdt fiende End als ic fach sprack  
maria datfe aldufoanyghe felheyt deden  
aen eenen dooden menfche. doen werdt ic  
al wt mijnen fin Ende doen wert die pro=  
phecie veruult dye daer spreect door dijne  
fiel fal gaen een fweert des rouwen. Ende  
nv ghebraken mi di tranen. alfo veel had  
ic gheweent des nachts tevoren. end ic ryep  
lieue kint wie fal mi nu troosten och moch=  
te ic met dy fteruen. Met defen end met des(=  
gheliken beweende ic die doot mijns liefs  
kints ¶ Ancelmus vraghede segt mi ma=  
[DIIr,01]ria. wat deden fi hiernaer met dijnem kinde  
Maria antwoerde. hiernaer ghinc ioseph  
end Nicodemus tot pylatus ende baden hem  
dat hi hem gheuen woude den doden lichaem  
Jesu af te doene end ander reden die hi feide  
fo feiden fi tot pilatus eeft dattu den lichame  
volliken ons gheeft fo fullen wy dye fchone  
vrouwe verbliden fijn lieue moeder maria  
want fi heeft fo groten rouwe als fi hadde  
doen fi hem fach gheeffelen end bespuwen  
End fijn herte ontwee ghefteken end fijn ade(=  
ren fcoerden. end fijn oghen braken dit heeft  
fe al in haer herte befloten hierom heeft fe  
fo groten rouwe dat fe nyemant aen en fiet  
hi en moet met haer doghen. Doen vraech=  
de pylatus of hi doot ware. end onderuant  
die waerheyt van Centurio die gheuallen  
waren. end doen oorlofden hi te gheuen den



lichaem ihesu. Ancelmus lieue vriend laet  
dat di ontfermen. *end* alle diet horen lefen.  
Doen ioseph den lichame af foude doen stont  
[DIIv,01]ic opwert en sach wanneer hi ontnaghelt  
foude sijn Doen *Jesus* opt eynde van *dem* cru=  
ce lach nam ic sijn hoofd in mijnen schoot.  
*end* begonste seer te weenen *end* riep met lu(=  
der stemmen. wach armen mijn alderlieffte  
kint wat trooft hebbe ic nv. Ic die dy doot  
voor mi legghen sie. doen viel sint Ian op  
sijn borst ende wonden bitterlijken seere.  
Doen quam peter ghelopen ghelijck een  
wtfinnich mensche. *end* begonste bitterlic te  
weenen. omdat hi sijns liefs meesters ghe=  
lochent hadde. Ay lieue here *end* lieue mee=  
ster ic seide Ic en foude v niet begheuen mi  
dunct ghy sijt alleene in die perste bleuen  
Doen quam maria magdalena *end* weende  
bitterlic. *end* riep *Jesu* wie sal mi nv mijn son(=  
den vergheuen *end* wie sal my ontsuldigen  
Doen quam iacob mijns kints broeder was  
gheheten omdat hy hem alderghelicxt was.  
*end* seide met groten tranen. wach lieue mee=  
ster den dach die leden is was mi dit min=  
[DIIIr,01]saem aenschijn ghelijc *end* nv ist mi onghe(=  
lijc. Doen quamen dye ander apostelen ooc  
ghelopen *end* weenden allen bitterlijc seere.  
dat si haren lieuen meester dus lachterlike  
begheuen hadden Doen ghinc *Jesus* mijn  
lyeue sone tot mijne trooftere *end* tot finen  
iongeren ende gloryficeerde hem daer voor  
ons. Sodat ghene van finen wonden oft  
van finen anderen tormenten noch van al(=  
len sijnder quetsinghen en openbaerde dan  
dien vijf wonden dye hy sal houden tot ten  
dommelfdage. ende aldaer openbaerde hy

hem recht of hi niet gepijnt en hadde ghe=  
weeft. *end* daeraen ontvinghen wy groten  
trooft ende fine ionghers *end* doen fy hem  
grauen fouden. doen hyelt ic den lichaem  
fterkelike *end* met groten wee. *end* en wout  
niet laten grauen *end* ic riep met eender lu(=  
der *stemmen*. ay alderlieffte neue iohannes  
laet mi mijnen doden fone begrauen dye ic  
nyet leuendich en mach behouden. ende ift  
[DIIIv,01]orbaerlijc fo bidde ick di graeft my met hem  
Iohannes antwoorde ghi weet wel alder(=  
lieffte vrouwe dattet *anders* niet wesen en  
mochte want anders dat *menfchelijke* ghe=  
flachte niet verloft en foude werden. ende  
ic viel op dat graf ende ick feyde ick wylle  
hier fitten bey den tot dat ick fterue. Doen  
nam mi iohannes teghen mijnen willen  
*end* leiden my in die ftadt. *end* die lieden van  
iherufalem die faghen mijn cleederen die  
ick anhadde dat fy besprayt waren van  
den bloede mijns liefs kints. alfo ic onder  
den cruce ftont bedropen van finen ghebe(=  
nediden bloede. Doen feyden fi o wat gro(=  
ter onrechte is huyden ghedaen in iheru=  
falem. Aen defer goeder vrouwen fone *end*  
doechden altesamen met mi. Doen beslo=  
ten dye felle boofe ioden Iofeph in eenen  
donckeren kerker. *End* ouer .xl. iaeren daer(=  
nae quamen Tytus ende Vefpafianus *end*  
deftruerden Iherufalem foe feer. dat den  
[DIVr,01]eenen fteen op ten anderen nyet en bleef  
ligghen. *End* ghelijc als fy *Christum* cochten om  
xxx. pennighen. fo gauen fi .xxx. ioden om  
eenen penninck

¶ Gheprint tot Vtrecht op den hoec van  
dye faelftraet By my Jan Berncken Int

iaer ons heeren. M. CCCCC. ende xxiii.  
des donredaechs nae den pijnxterdach.